

PROGRAM JELAJAH PERKASA MENTERI PERTAHANAN KE PANGKALAN UDARA SUBANG

airforce.mil.my/berita/acara-rasmi/2871-program-jelajah-perkasa-menteri-pertahanan-ke-pangkalan-udara-subang

SUBANG, 12 Jan 18 – Pangkalan Udara Subang hari ini telah menerima lawatan kerja Menteri Pertahanan Malaysia, YB Dato' Seri Hishammuddin Tun Hussein sempena Program Jelajah Perkasa dalam mendukung usaha merealisasikan Halatuju Mindef.

Lawatan ini merupakan salah satu program di bawah Teras Kesiagaan yang dipengerusikan bersama Panglima Tentera Udara dan Timbalan Ketua Setiausaha Pembangunan MinDef.

Dalam rangka lawatannya, YB Menteri Pertahanan telah mengadakan lawatan ke Institut Perubatan Penerbangan bagi melihat sendiri infrastruktur serta kemudahan yang terdapat di sini dan turut membuat tinjauan kesiagaan pesawat TUDM bagi melihat tahap kesiagaan aset serta berinteraksi dengan warga TUDM.

Lawatan kerja hari ini turut disertai oleh Ketua Setiausaha Kementerian Pertahanan, YBhg. Dato Sri Abdul Rahim bin Mohamad Radzi; Panglima Angkatan Tentera, YM Jeneral Tan Sri Raja Mohamed Affandi bin Raja Mohamed Noor; Panglima Tentera Udara, Jeneral Tan Sri Dato Sri Hj Affendi bin Buang TUDM; Panglima-panglima Perkhidmatan serta Pegawai-pegawai Kanan ATM dan awam Kementerian Pertahanan.

YB Menteri Pertahanan juga turut meluangkan masa bertemu dan beramah mesra bersama-sama seramai 600 warga TUDM yang diadakan di No 22 Skuadron dan menunaikan solat jumaat di Masjid Pangkalan Udara Subang.





